




ՄԿՐՏՈՒԹՅԱՆ, ՀԱՂՈՐԴՈՒԹՅԱՆ ԵՎ ՋԵՌՆԱԴՐՈՒԹՅԱՆ
ԽՈՐՀՈՒՐԴՆԵՐԻ ՄԱՍԻՆ ՈՒՂԱՓԱՌ ԵԿԵՂԵՑԻՆԵՐԻ
ԺՈՂՈՎ ԲՐԱԿԼԱՅՆ (ԱՄՆ) ՔԱՂԱՔՈՒՄ

Սույն թվականի հունիսի 11—18-ը ԱՄՆ-ի Մանչեստր նահանգի Բրակլայն քաղաքում գտնվող Հույն Ուղղափառ աստվածաբանական դպրոցում տեղի ունեցավ Ուղղափառ Եկեղեցիների ներկայացուցիչների համաժողով՝ Մկրտության, Հաղորդության և Ձեռնադրության խորհուրդների մասին:

Շուրջ 60 տարիներ առաջ հիմնադրված «Հավատո և կարգի» հանձնախումբը ձեռնարկում է քրիստոնեական Եկեղեցիների միջև համերաշխություն գոյացնել այս երեք խորհուրդների ընդունման հարցում: Եկեղեցիների Համաշխարհային խորհուրդը իր գոյության առաջին իսկ օրվանից պաշտպանել է Եկեղեցիների միության հարցով և այդ ուղղությամբ քրիստոնեական հարանվանությունների միջև բազմաթիվ ժողովներ և երկխոսություններ է կապմակերպել:

1982 թվականին ԵՀԽ-ի կապմակերպած Լիմայի ժողովում կապմվել է Մկրտության, Հաղորդության և Ձեռնադրության մասին բոլոր երկխոսությունների և ժողովների որոշումները բովանդակող մի փաստաթուղթ՝ լիբերալ արդյունք երկար տարիների աշխատանքի՝ հաջվի առնելով ԵՀԽ-ի բոլոր եկեղեցիների կարծիքները:

ԵՀԽ-ի անդամ բոլոր Եկեղեցիներին կոչ է արվել Լիմայի ժողովի փաստաթղթի մասին հայտնել իրենց կարծիքները: Բոլոր կարծիքները պետք է պատրաստ լինեն մինչև սույն թվականի դեկտեմբերի 31-ը:

Բրակլայնի համաժողովում ելույթներ ունեցան «Հավատո և կարգի» հանձնախմբի վարիչ դոկտ. Գունթեր Գասմանը, ինչպես նաև դոկտ. Լիմուրիսը, պրոֆ. Ն. Նիսիտիսը, Ներսես եպս. Պոպապայանը, Սմոլենսկի Կիրիլ արքեպիսկոպոսը, Տրանսիլվանիայի միտրոպոլիտ Անտոնին, հայր Ջորջը, պրոֆ. Հոպկինս և միտրոպոլիտ Խրիստոստոմոսը:

Վերոհիշյալ զեկուցումների հիման վրա ընդհանուր և խմբակային զրույցներ տեղի ունեցան ժողովի մասնակիցների միջև:

Համաժողովն իր եզրակացությունները արձանագրեց հետևյալ կերպ. համաժողովին մասնակից Ուղղափառ Եկեղեցիները որոշում են Լիմայի փաստաթուղթը՝ իբրև մի նոր քայլ Եկուսմանիկ շարժման մեջ: Դարեր շարունակ Եկեղեցիների միջև եղած սառնությունից և մեկուսացումից հետո Քրիստոսի մեկ Եկեղեցին միության միջոցներ է փնտրում: Եվ այդ միության ամենակարևոր ճանապարհը Եկեղեցիների կողմից Մկրտության, Հաղորդության և Ձեռնադրության խորհուրդների ճանաչումն է:

Համաժողովն իր զեկուցագրի մեջ ընդգրկեց, որ Մկրտության, Հաղորդության և Ձեռնադրության խորհուրդների մասին Լիմայի փաստաթուղթը դեռևս վերջնական վիճակում չէ, հետևաբար չի կարող ընդունելի լինել ԵՀԽ-ի անդամ Եկեղեցիների կողմից:

Առաջարկվեց, որ ա. այս երեք խորհուրդների վերաբերյալ երկխոսությունները շա-

րունակվեն հարանվանությունների միջև, որպեսզի դեռևս չքննարկված հարցերը պարզաբանվեն, թ. որ Ուղղափառ Եկեղեցու երեք խորհուրդների հետ առնչվող Լիմայի վերուհիշյալ փաստաթուղթը դառնա Եկեղեցիների բոլոր անդամների ուշադրության առարկան, որպեսզի Եկեղեցին, որպես կենդանի հաղորդականություն, կարողանա ասել իր խոսքը այս կարևոր փաստաթղթի վերաբերյալ:

Հանուն Հայաստանյայց Առաքելական Եկեղեցու Մայր Աթոռ Ս. Էջմիածնից համաժողովին մասնակցում էին Մայր Աթոռի դիվանապետ գերաշնորհ Տ. Ներսես եպս. Պոսպայանը և Տ. Եփրեմ քին. Գալաճյանը (ԱՄՆ), իսկ Մեծի Տանն Կիլիկիո կաթողիկոսությունից՝ Տ. Մեսրոպ արքեպս. Աջճյանը:

ԹՂԹԱԿԻՑ

